



Gofal Cymdeithasol **Cymru**
Social Care **Wales**

**RHEOLAU GOFAL CYMDEITHASOL
CYMRU
(GWRANDAWIADAU
ADDASRWYDD I YMARFER) 2017**

EBRILL 2017

Mae tri math o ddogfen gyfreithiol yn ymdrin â gwaith Gofal Cymdeithasol Cymru yn rheoleiddio cofrestru'r gweithlu gofal cymdeithasol a rheoleiddio'u haddaswydd i ymarfer, sydd **oll** yn gymwys i gofrestriad y person cofrestredig a'i addaswydd i ymarfer:

- **Deddf Rheoleiddio ac Arolygu Gofal Cymdeithasol (Cymru) 2016 (y Ddeddf);**
- **Rheoliadau'r Cynulliad Cenedlaethol;**
- **Cyfres Gofal Cymdeithasol Cymru o Reolau Cofrestru a Rheolau Addaswydd i Ymarfer.**

Nid yw cynnwys y Ddeddf na'r Rheoliadau wedi'u cynnwys yn y Rheolau hyn. Felly, dylech ddarllen cynnwys y Ddeddf a'r Rheoliadau ar y cyd â'r Rheolau i roi dealltwriaeth gynhwysfawr o'r gweithdrefnau cofrestru ac addaswydd i ymarfer.

Mae'r Ddeddf ar gael yn:

<http://www.legislation.gov.uk/anaw/2016/2/contents/enacted/welsh>

Y Rheoliadau yw:

SL(5)035 - Rheoliadau Gofal Cymdeithasol Cymru (Ehangu Ystyr "Gweithiwr Gofal Cymdeithasol") 2016

<http://www.senedd.cynulliad.cymru/mglIssueHistoryHome.aspx?IId=16524>

SL(5)032 - Rheoliadau Gofal Cymdeithasol Cymru (Cyfansoddiad Paneli: Personau Rhagnodedig) 2016

<http://www.senedd.cynulliad.cymru/mglIssueHistoryHome.aspx?IId=16521>

SL(5)034 - Rheoliadau Gofal Cymdeithasol Cymru (Cynnwys y Gofrestr) 2016

<http://www.senedd.cynulliad.cymru/mglIssueHistoryHome.aspx?IId=16523>

SL(5)033 - Rheoliadau Gofal Cymdeithasol Cymru (Rhestr o Personau sydd wedi eu Tynnu oddi ar y Gofrestr) 2016

<http://www.senedd.cynulliad.cymru/mglIssueHistoryHome.aspx?IId=16522>

SL(5)064 - Rheoliadau Gofal Cymdeithasol Cymru (Achosion gerbron Paneli) (Diwygio) 2017

<http://www.senedd.cynulliad.cymru/mglIssueHistoryHome.aspx?IId=17273>

SL(5)036 - Rheoliadau Gofal Cymdeithasol Cymru (Pennu Gweithwyr Gofal Cymdeithasol) (Cofrestru) 2016

<http://www.senedd.cynulliad.cymru/mglIssueHistoryHome.aspx?IId=16525>

Y mae Gofal Cymdeithasol Cymru ("GCC"), wrth arfer ei bwerau o dan adrannau 73(2) a (4), 128(2), 136(4) a (5), 137(6), (7) ac (8) a 174(8) Deddf Rheoleiddio ac Arolygu Gofal Cymdeithasol (Cymru) 2016 ("y Ddeddf"), Rheoliadau Gofal Cymdeithasol Cymru (Achosion gerbron Paneli) 2016, a'r holl bwerau eraill sy'n galluogi GCC i'r perwyl hwnnw, ac yn sgil ymgynghori yn unol ag adran 75 y Ddeddf, drwy hyn yn gwneud y Rheolau a ganlyn:

TREFNIANT Y RHEOLAU

RHAN I

RHAGARWEINIAD

- | | | |
|----|--|---|
| 1. | Enwi, cychwyn a threfniadau trosiannol | 5 |
| 2. | Dehongliad | 5 |

RHAN II

Y WEITHDREFN CYN GWRANDAWIAD ADDASRWYDD I YMARFER

- | | | |
|----|---------------------------------------|----|
| 3. | Adolygiad cyn gwrandawriad | 9 |
| 4. | Dull cynnal achosion | 10 |
| 5. | Rheoli achos | 10 |
| 6. | Hysbysiad o'r gwrandawriad | 11 |
| 7. | Gohirio'r gwrandawriad | 12 |
| 8. | Datgelu'r achos a chyflwyno dogfennau | 13 |

RHAN III

Y WEITHDREFN MEWN GWRANDAWIAD ADDASRWYDD I YMARFER

- | | | |
|-----|---|----|
| 9. | Absenoldeb person cofrestredig o wrandawriad addasrwydd i ymarfer | 14 |
| 10. | Baich a safon y prawf | 14 |
| 11. | Addasrwydd i bledio | 14 |
| 12. | Y weithdrefn yn y gwrandawriad | 14 |
| 13. | Cyplysiad | 15 |
| 14. | Diwygio'r honiadau | 15 |
| 15. | Cyfaddefiadau | 15 |
| 16. | Tystiolaeth | 16 |
| 17. | Tystion | 16 |
| 18. | Mesurau arbennig | 16 |
| 19. | Gohirio gwrandawriad ar ei ganol | 17 |

20.	Pleidleisio	17
21.	Canfyddiad ffeithiau	17
22.	Addasrwydd i ymarfer	17
23.	Canfyddiad o ddim amhariad: cynnig rhoi rhybudd	18
24.	Gwrandawriad llafar mewn perthynas â rhybudd arfaethedig	19
25.	Canfyddiad o amhariad: cyflwyniadau ynghylch gwarediad	20
26.	Gwaredu drwy ddileu drwy gytundeb: gweithdrefn	21
27.	Gwaredu: ymgymeriadau	21
28.	Penderfyniad	23
29.	Hysbysiad o'r penderfyniad	23
30.	Trawsgrifiad o'r gwrandawriad	23

RHAN IV

CYFARFODYDD ADDASRWYDD I YMARFER

31.	Achos heb wrandawriad	25
32.	Hysbysiad o'r cyfarfod	25
33.	Y weithdrefn mewn cyfarfod addasrwydd i ymarfer	26

RHAN V

ADOLYGU

34.	Achosion adolygu	29
35.	Hysbysiad o'r gwrandawriad	29
36.	Datgelu'r achos a chyflwyno dogfennau	30
37.	Y weithdrefn yn y gwrandawriad	30
38.	Achos heb wrandawriad	31
39.	Hysbysiad o'r cyfarfod	31
40.	Y weithdrefn mewn cyfarfod adolygu	32

RHAN I

RHAGARWEINIAD

Enwi, cychwyn a threfniadau trosiannol

1. (1) Enwir y Rheolau hyn yn Rheolau Gofal Cymdeithasol Cymru (Gwrandawiadau Addasrwydd i Ymarfer) 2017, a byddant yn dod i rym ar 3 Ebrill 2017.
- (2) Caiff Rheolau Cyngor Gofal Cymru (Ymddygiad) 2011 ("Rheolau 2011") a Rheolau Cyngor Gofal Cymru (Addasrwydd i Ymarfer) 2014 ("Rheolau 2014") eu dirymu trwy hyn, ac eithrio mewn perthynas â gwrandawriad gerbron Pwyllgor Ymddygiad neu Bwyllgor Addasrwydd i Ymarfer a ddechreuodd cyn 3 Ebrill 2017 ond nas cwblhawyd erbyn y dyddiad hwnnw, bydd y Pwyllgor Ymddygiad neu'r Pwyllgor Addasrwydd i Ymarfer (yn ôl y digwydd) yn parhau i wrando ar yr achos a bydd Rheolau 2011 neu Reolau 2014 yn parhau'n gymwys fel pe bai'r Rheolau hynny yn parhau mewn grym.

Dehongliad

2. (1) Yn y Rheolau hyn, oni fynna'r cyd-destun fel arall:

ystyr "**Deddf**" yw Deddf Rheoleiddio ac Arolygu Gofal Cymdeithasol (Cymru) 2016;

ystyr "**honiad**" yw honiad o amhariad ar addasrwydd i ymarfer;

ystyr "**achos**" yw achosion yn ymwneud ag achosion addasrwydd i ymarfer;

ystyr "**panel rheoli achos**" yw panel o un neu dri aelod panel, sy'n cael eu cynghori gan gynghorydd cyfreithiol, a sefydlwyd i gynnal cyfarfod rheoli achos o dan Ran II y Rheolau hyn;

ystyr "**rhybuddiad**", mewn perthynas â throstedd, yw:

- (a) rhybuddiad amodol a roddir o dan adran 22 o Ddeddf Cyfiawnder Trosteddol 2003 (p.44) (rhybuddiadau amodol ar gyfer oedolion) neu o dan adran 66A o Ddeddf Trostedd ac Anrhefn 1998 (p.37) (rhybuddiadau amodol ar gyfer plant a phobl ifanc);
- (b) unrhyw rybuddiad arall a roddir i berson yng Nghymru a Lloegr mewn cysylltiad â throstedd a gyfaddefwyd gan y person hwnnw ar yr adeg y rhoddir y rhybuddiad;
- (c) unrhyw beth sy'n cyfateb i rybuddiad sy'n dod o fewn paragraff (a) neu (b) (sut bynnag y'i disgrifir):
 - (i) a roddir i berson mewn cysylltiad â thramgwydd a gyflawnwyd y tu allan i Gymru a Lloegr a fyddai'n drosedd pe bai wedi ei chyflawni yng Nghymru a Lloegr, a
 - (ii) nad yw'n fesur y caniateir ei roi yn lle erlyniad (o fewn ystyr adran 8AA o Ddeddf Adsefydlu Trosteddwyr 1974 (p.53));

ystyr "**clerc**" yw'r sawl sy'n gyfrifol am y trefniadau gweinyddol ar gyfer y cyfarfod fel y'i diffinnir yn Rheolau GCC (Cyfansoddiad Paneli) 2017;

ystyr “**Côd Ymarfer Proffesiynol Gofal Cymdeithasol**” yw’r Côd Ymarfer sy’n cyflwyno’r safonau ymddygiad ac ymarfer a ddisgwylir oddi wrth weithwyr gofal cymdeithasol, a gyhoeddir gan GCC o dan Adran 112(1)(a) y Ddeddf;

ystyr “**cwyn**” yw gwybodaeth yn ymwneud â pherson cofrestredig sy’n llunio sylfaen honiad yn erbyn y person hwnnw ac sy’n cynnwys gwybodaeth sydd wedi dod i sylw GCC trwy unrhyw ddull a gwybodaeth yn ymwneud â cholffarnau a rhybuddiadau am droseddau;

ystyr “**achwynydd**” yw unrhyw berson (gan gynnwys cyflogwr neu sefydliad) sy’n gwneud cwyn yn erbyn person cofrestredig;

ystyr “**gorchymyn cofrestru amodol**” yw gorchymyn a wneir gan y panel addasrwydd i ymarfer yn gosod amodau ar gofrestrriad person cofrestredig;

ystyr “**pwyllgor ymddygiad**” yw’r pwyllgor sy’n dwyn yr enw hwnnw a gyfansoddwyd yn unol â Rheolau 2011;

ystyr “**dyfarniad**” yw dyfarniad neu benderfyniad a wnaed, neu ganfyddiad a wnaed, gan gorff rheoleiddiol;

ystyr “**Cyfarwyddeb 2005/36/EC**” yw’r Gyfarwyddeb ar Gydnabod Cymwysterau Proffesiynol, fel y’i diwygiwyd gan Gyfarwyddeb 2013/55/EU yr Undeb Ewropeaidd;

ystyr “**person a awdurdodir yn briodol**” olygu unigolyn y mae GCC wedi dirprwyo awdurdod iddo a gall gynnwys:

- (a) un neu fwy o aelodau staff GCC, a/neu
- (b) un neu fwy o bobl a benodir gan GCC at y diben hwnnw;

mae ystyr “**cyflogwr**” yn cynnwys asiantaethau cyflogi, pobl hunangyflogedig ac unrhyw gyflogwr gweithiwr cymdeithasol neu weithiwr gofal cymdeithasol (yn gweithio yn rhinwedd gweithiwr cymdeithasol neu weithiwr gofal cymdeithasol) y mae GCC yn gwybod amdanynt;

caiff ystyr “**addasrwydd i ymarfer**” ei ddehongli yn unol ag adran 117 y Ddeddf a dehonglir y termau “**amhariad ar addasrwydd i ymarfer**” ac “**amhariad**” yn unol â hynny;

ystyr “**pwyllgor addasrwydd i ymarfer**” yw pwyllgor wedi’i sefydlu o dan Reolau Cyngor Gofal Cymru (Addasrwydd i Ymarfer) 2014;

ystyr “**gwrاندawiad addasrwydd i ymarfer**” yw gwrاندawiad gerbron panel addasrwydd i ymarfer mewn achos addasrwydd i ymarfer;

ystyr “**cyfarfod addasrwydd i ymarfer**” yw cyfarfod gerbron panel addasrwydd i ymarfer mewn achos addasrwydd i ymarfer;

ystyr “**panel addasrwydd i ymarfer**” yw panel a sefydlwyd gan Reolau Gofal Cymdeithasol Cymru (Cyfansoddiad Paneli) 2017 a wnaed o dan adran 174 y Ddeddf i:

- (a) wneud dyfarniadau mewn perthynas ag addasrwydd personau sydd wedi eu cofrestru yn y gofrestr i ymarfer fel gweithwyr gofal cymdeithasol;

- (b) atal dros dro gofrestrriad person yn y gofrestr neu i atodi amodau i'w gofrestrriad wrth aros am ddyfarniad o'r math a grybwyllir ym mharagraff (a);

ystyr "**achosion addasrwydd i ymarfer**" yw achosion gerbron panel addasrwydd i ymarfer;

ystyr "**Rheolau Addasrwydd i Ymarfer**" yw'r rheolau hyn neu Reolau Cyngor Gofal Cymru (Addasrwydd i Ymarfer) 2014;

ystyr "**in camera**" yw yn absenoldeb y partïon a'u cynrychiolwyr, a'r cyhoedd;

ystyr "**cynghorydd cyfreithiol**" yw unigolyn â chymhwyster cyffredinol deng mlynedd yn unol ag ystyr adran 71 Deddf Llysoedd a Gwasanaethau Cyfreithiol 1990 sy'n gymwys i ymarfer y gyfraith yng Nghymru a Lloegr;

ystyr "**cynghorydd meddygol**" yw ymarferydd meddygol, wedi'i gofrestru o dan Ddeddf Meddygaeth 1983, a benodwyd gan GCC;

ystyr "**hysbysiad**" yw gwybodaeth a ddyroddir yn ymwneud ag achos panel gorchmynion interim neu banel addasrwydd i ymarfer;

ystyr "**panel**" yw panel addasrwydd i ymarfer GCC a gyfansoddwyd yn unol ag adran 174 y Ddeddf, y gellir dwyn achosion ger ei fron;

ystyr "**Rheolau Cyfansoddiad Paneli**" yw Rheolau Gofal Cymdeithasol Cymru (Cyfansoddiad Paneli) 2017;

ystyr "**partïon**" yw'r person cofrestredig y mae'r achos addasrwydd i ymarfer neu'r achos gorchmyn interim yn ymwneud ag ef a GCC (neu eu cynrychiolwyr);

ystyr "**cyflwynydd**" yw'r unigolyn sy'n gweithredu ar ran GCC mewn gwrandawriad gerbron panel, a gall gynnwys swyddog GCC neu gyfreithiwr neu fargyfreithiwr a benodwyd gan GCC at y diben hwn;

ystyr "**adolygiad cyn gwrandawriad**" yw cyfarfod gyda chynghorydd cyfreithiol yn gadeirydd, yn unol â rheol 3, i ddyroddi cyfarwyddydau rheoli achos;

ystyr "**cofrestr**" yw'r gofrestr a gynhelir gan GCC o dan adran 80 y Ddeddf;

ystyr "**person cofrestredig**" yw'r person cofrestredig y gwnaed yr atgyfeiriad i'r panel addasrwydd i ymarfer yn ei gylch;

ystyr "**cofrestrriad**" yw'r cofnod ar y gofrestr sy'n ymwneud â pherson cofrestredig penodol;

ystyr "**corff rheoleiddiol**" yw corff yn y Deyrnas Unedig neu rywle arall sy'n gyfrifol am reoleiddio, archwilio, arolygu, trwyddedu neu adolygu gofal cymdeithasol, darpariaeth iechyd neu ddarpariaeth addysg, neu reoleiddio neu drwyddedu proffesiwn gofal cymdeithasol, iechyd neu addysgu;

ystyr “**gorchymyn dileu**” yw gorchymyn a wnaed gan y panel addasrwydd i ymarfer ar gyfer dileu'r cofnod sy'n ymwneud â'r person cofrestredig yn y gofrestr;

ystyr “**GCC**” yw'r corff corfforaethol o'r enw Gofal Cymdeithasol Cymru, sef Cyngor Gofal Cymru yn flaenorol;

ystyr “**corff myfyrwyr**” yw Undeb Cenedlaethol y Myfyrwyr neu gorff arall sy'n cynrychioli buddiannau myfyrwyr, a gydnabyddir gan GCC;

ystyr “**gorchymyn atal dros dro**” yw gorchymyn a wnaed gan y panel addasrwydd i ymarfer i atal dros dro gofrestriad y person cofrestredig;

ystyr “**tribiwnlys**” yw Tribiwnlys Haen Gyntaf;

ystyr “**ymgymeriad**” yw cytundeb gan y person cofrestredig i gydymffurfio ag ymgymeriad a wnaed o dan adran 126(3)(d) neu 136 y Ddeddf;

ystyr “**prifysgol**” yw'r brifysgol neu'r sefydliad addysg uwch sy'n darparu'r cwrs gradd a gymeradwywyd gan GCC o dan adran 114(1)(a) y Ddeddf i bersonau sy'n dymuno dod yn weithwyr cymdeithasol;

ystyr “**rhybudd**” yw gwarediad a wnaed gan y panel addasrwydd i ymarfer o dan adran 138(6) y Ddeddf.

(2) Yn y rheolau hyn, oni fynna'r cyd-destun fel arall:

- (a) bydd geiriau unigol yn cynnwys y lluosog a bydd geiriau lluosog yn cynnwys yr unigol;
- (b) bydd unrhyw gyfeiriad at reol neu ran â rhif iddi yn gyfeiriad at y rheol neu'r rhan sy'n dwyn y rhif hwnnw yn y rheolau hyn, yn ôl y digwydd;
- (c) bydd unrhyw gyfeiriad mewn rheol neu ran at baragraff â rhif iddo, yn gyfeiriad at y paragraff sy'n dwyn y rhif hwnnw yn y rheol neu'r rhan honno;
- (d) bydd unrhyw gyfeiriad mewn paragraff mewn rheol neu ran at is-baragraff â rhif iddo yn gyfeiriad at yr is-baragraff sy'n dwyn y rhif hwnnw yn y rheol neu'r rhan honno.

RHAN II

Y WEITHDREFN CYN GWRANDAWIAD ADDASRWYDD I YMARFER

Adolygiad cyn gwrandawriad

3. (1) Cyn gynted ag y bo'n ymarferol wedi i'r achos gael ei gyfeirio at y panel, caiff GCC gynnull adolygiad cyn gwrandawriad a bydd yn gwahodd y partïon ac unrhyw gynrychiolydd i fod yn bresennol.
- (2) Bydd GCC yn awdurdodi cynghorydd cyfreithiol, a fydd yn gweithredu'n annibynnol ar y partïon, i gynnal yr adolygiad cyn gwrandawriad. Ni chaiff aelodau'r panel fynd i'r adolygiad cyn gwrandawriad.
- (3) Gellir cynnal yr adolygiad cyn gwrandawriad drwy gynhadledd ffôn neu drwy'r cyfryw ddull ag a benderfynir gan y cynghorydd cyfreithiol ar ôl ymgynghori â'r partïon.
- (4) Bydd y clerch yn cadw cofnod o'r cyfarwyddydau a roddir gan y cynghorydd cyfreithiol, yn ogystal ag unrhyw gyfaddefiadau a'r penderfyniadau a wneir yn yr adolygiad cyn gwrandawriad.
- (5) Caiff y person cofrestredig fod yn bresennol a/neu gael ei gynrychioli gan:
 - (a) gyfreithiwr neu gwmsler;
 - (b) cynrychiolydd o unrhyw sefydliad proffesiynol; neu
 - (c) os yw'r cynghorydd cyfreithiol yn cytuno, unrhyw berson arall.
- (6) Ystyrir y materion canlynol yn yr adolygiad cyn gwrandawriad:
 - (a) yr honiad(au) yn erbyn y person cofrestredig, a baratowyd gan GCC ac a anfonwyd at y cynghorydd cyfreithiol a'r partïon cyn yr adolygiad cyn gwrandawriad;
 - (b) unrhyw gyfaddefiadau o ffeithiau;
 - (c) unrhyw gyfaddefiad o unrhyw fater a ddisgrifir yn adran 117(1) (a) i (f) y Ddeddf;
 - (d) unrhyw gyfaddefiad o amhariad ar addasrwydd i ymarfer;
 - (e) a yw'r partïon yn cytuno y caiff panel addasrwydd i ymarfer ddyfarnu ar yr achos heb wrandawriad;
 - (f) a fydd y person cofrestredig yn bresennol mewn gwrandawriad;
 - (g) enwau'r tystion a elwir (os oes rhai);
 - (h) a ddylid darparu'n benodol ar gyfer tystion hyglwyf yn y gwrandawriad;
 - (i) a gyflwynir tystiolaeth arbenigwr;
 - (j) a godir iechyd y person cofrestredig fel mater yn yr achos, ac os felly, a ddylid cael adroddiad gan ymarferydd meddygol;
 - (k) unrhyw ddyddiadau pryd y byddai'r person cofrestredig neu dystion yn methu â bod yn bresennol mewn gwrandawriad;
 - (l) amcangyfrif amser ar gyfer gwrandawriad;
 - (m) a oes angen adolygiad arall cyn gwrandawriad;
 - (n) a oes angen cyfarfod rheoli achos.
- (7) Caiff y cynghorydd cyfreithiol roi barn ragarweiniol i'r partïon er mwyn datrys cwestiynau cyfreithiol neu dderbynioldeb tystiolaeth.

- (8) Y panel fydd yn penderfynu p'un ai y derbynnir tystiolaeth yn y gwrandawriad ai peidio, naill ai mewn cyfarfod rheoli achos neu mewn gwrandawriad.
- (9) Caiff y cynghorydd cyfreithiol roi cyfarwyddydau at ddiben sicrhau achos a gynhelir yn gyfiawn, yn hwylus ac yn effeithiol, a allai gynnwys cyfarwyddydau o'r rhestr anghyflawn ganlynol:
- (a) cyfarwyddydau ar gyfer cyflwyno tystiolaeth, gan gynnwys adroddiadau meddygol ac arbenigol;
 - (b) pan fo'r person cofrestredig yn dymuno cyfaddef ffeithiau'r honiad(au), gall y cynghorydd cyfreithiol gyfarwyddo'r partïon i baratoi datganiad o ffeithiau cytûn, o fewn terfyn amser penodedig;
 - (c) pan fo'r partïon yn cytuno y gellir dyfarnu ar achos heb wrandawriad, caiff y cynghorydd cyfreithiol gyfarwyddo'r partïon i baratoi:
 - (i) datganiad o ffeithiau cytûn;
 - (ii) cytundeb ysgrifenedig ynghylch y penderfyniad terfynol a wneir gan y panel (gan gynnwys manylion y penderfyniad hwnnw, er enghraifft y cyfnod pan fydd y gorchymyn mewn grym neu unrhyw amodau a osodir ar gofrestrriad y person cofrestredig);
 - (iii) cytundeb ysgrifenedig y gellir dyfarnu ar yr achos heb wrandawriad;
 - (d) mewn perthynas ag unrhyw ddatganiad tyst a gyflwynir gan y naill barti neu'r llall, caiff y cynghorydd cyfreithiol gyfarwyddo y gall hysbysiad gyd-fynd â'r datganiad i'w gyflwyno yn hysbysu bod y parti sy'n cyflwyno'r datganiad yn bwriadu dibynnu ar y datganiad tyst heb alw'r sawl a wnaeth y datganiad, oni bai bod y parti arall, cyn pen 14 diwrnod o gyflwyno'r datganiad, yn hysbysu ei fod angen i'r tyst dan sylw fod yn bresennol a rhoi tystiolaeth.
- (10) Pan fo parti yn methu â chydymffurfio â'r cyfarwyddydau a roddir mewn adolygiad cyn gwrandawriad, caiff panel ddod i'r cyfryw gasgliadau ag y bo'n eu hystyried yn briodol a/neu wneud pa benderfyniad bynnag sy'n fwyaf priodol yn ei dyb ef mewn perthynas â derbynioldeb tystiolaeth neu unrhyw fater perthnasol arall.

Dull cynnal achosion

4. (1) Yn ddarostyngedig i ofynion y Ddeddf a Rheoliadau Gofal Cymdeithasol Cymru (Achosion gerbron Paneli) 2016, caiff y panel amrywio'r gweithdrefnau a amlinellir yn y Rheolau hyn er mwyn ymdrin ag achos yn deg a chyfiawn a gall gyhoeddi cyfarwyddydau yn ymwneud â dyfarnu ar yr achos yn gyfiawn a phrydlon.

Cyfarfod rheoli achos

5. (1) Yn unol â chyfarwyddyd y cynghorydd cyfreithiol mewn adolygiad cyn gwrandawriad neu yn unol â chais gan un o'r partïon, gellir galw cyfarfod rheoli achos ar unrhyw adeg.
- (2) Ar ôl gwahodd sylwadau ysgrifenedig gan y ddau barti, bydd person wedi'i awdurdodi'n briodol yn GCC yn penderfynu a gynhelir cyfarfod rheoli achos ac, os felly, a ddylid ei gynnal ar sail y papurau yn unig, dros y ffôn, trwy fideo gynadledda, neu drwy gyfarfod llafar. Bydd y person a awdurdodir yn briodol yn gwneud trefniadau ac yn anfon hysbysiad priodol at y person cofrestredig

a'i gynrychiolydd ac at y cyflwynydd o leiaf bum niwrnod gwaith cyn y cyfarfod rheoli achos.

- (3) Rhaid i'r hysbysiad i'r person cofrestredig hysbysu'r person cofrestredig am ei hawl i gael gwrandawriad o'r achos gerbron panel, ond, yn absenoldeb unrhyw ymateb gan y person cofrestredig, gellir cyfarwyddo bod cyfarfod o'r panel yn dyfarnu ar yr achos trwy ystyried tystiolaeth a chyflwyniadau ysgrifenedig, heb i'r partiön fod yn bresennol.
- (4) Bydd cyfarfod rheoli achos yn cynnwys un neu dri aelod panel ac yn cael cyngor gan gynghorydd cyfreithiol. Gellid defnyddio'r un aelod neu aelodau panel ar gyfer y gwrandawriad llawn, neu gellid defnyddio aelodau gwahanol.
- (5) Caiff y cyfarfod rheoli achos roi cyfarwyddydau at ddiben sicrhau achos a gynhelir yn gyfiawn, yn hwylus ac yn effeithiol, a chaiff wneud dyfarniad ynghylch mater rhagarweiniol y gall panel rheoli achos yn unig wneud dyfarniad yn ei gylch, gan gynnwys:
 - (a) a ddylid derbyn tystiolaeth benodol;
 - (b) a ddylid trin tyst penodol yn un sydd angen mesurau arbennig ac, os felly, pa fesurau arbennig y dylid eu rhoi ar waith;
 - (c) a ddylid cynnal gwrandawriad ar y cyd yn ymwneud â dau berson cofrestredig neu fwy;
 - (d) a ddylid cynnal gwrandawriad neu ran ohono yn breifat yn unol â rheoliad 21 Rheoliadau Gofal Cymdeithasol Cymru (Achosion gerbron Paneli) 2016;
 - (e) a ddylai'r person cofrestredig gael ei gynrychioli yn y gwrandawriad gerbron y panel gan unigolyn heblaw am gyfreithiwr, cwnsler neu gynrychiolydd o gorff proffesiynol;
 - (f) a all yr achos gael ei gynnal heb wrandawriad pan fydd yr amgylchiadau yn rheoliad 17(1) Rheoliadau Gofal Cymdeithasol Cymru (Addasrwydd i Ymarfer) 2016 yn gymwys;
 - (g) a ellir ystyried yr achos heb wrandawriad mewn cyfarfod o'r panel yn unol â rheol 31;
 - (h) a godir iechyd y person cofrestredig fel mater yn yr achos, ac os felly, a ddylid cael adroddiad gan ymarferydd meddygol.
- (6) Aelodau'r panel rheoli achos yn unig fydd yn penderfynu ar y weithdrefn yn y cyfarfod rheoli achos.
- (7) Cynhelir cyfarfod rheoli achos yn breifat, oni bai bod aelodau'r panel rheoli achos yn rhoi cyfarwyddyd fel arall.
- (8) Pan fydd parti yn methu â chydymffurfio â'r cyfarwyddydau a roddir mewn cyfarfod rheoli achos, caiff panel addasrwydd i ymarfer ddod i'r cyfryw gasgliadau ag y bo'n eu hystyried yn briodol a/neu wneud pa benderfyniad bynnag sy'n fwyaf priodol yn ei dyb ef mewn perthynas â derbynoldeb tystiolaeth neu unrhyw fater perthnasol arall.

Hysbysiad o'r gwrandawriad

6. (1) Pan fo achos wedi'i restru ar gyfer gwrandawriad gerbron panel, o leiaf 42 ddiwrnod cyn y gwrandawriad, bydd y clerck yn anfon hysbysiad o'r gwrandawriad at:

- (a) y person cofrestredig;
 - (b) yr achwynydd;
 - (c) cyflogwr(wyr) y person cofrestredig (os oes un/rhai); neu
 - (d) pan fo'r person cofrestredig wedi'i gofrestru yn y rhan o'r gofrestr ar gyfer myfyrwyr, y brifysgol.
- (2) Bydd yr hysbysiad o'r gwrandawriad:
- (a) yn datgan dyddiad, amser a lleoliad y gwrandawriad;
 - (b) yn nodi'r honiad(au) yn erbyn y person cofrestredig;
 - (c) yn datgan a benodwyd cynghorydd meddygol i gynghori'r panel;
 - (d) yn hysbysu'r person cofrestredig am ei hawl i gael ei gynrychioli gan:
 - (i) gyfreithiwr neu gwmsler; neu
 - (ii) gynrychiolydd o unrhyw sefydliad proffesiynol; neu
 - (iii) os yw'r panel yn cytuno, unrhyw berson arall;
 - (e) yn hysbysu'r person cofrestredig am ei hawl i:
 - (i) fynychu'r gwrandawriad;
 - (ii) rhoi tystiolaeth i'r panel;
 - (iii) gwneud cyflwyniadau llafar i'r panel naill ai'n bersonol neu drwy gynrychiolydd;
 - (iv) galw tystion a'u croesholi;
 - (f) yn hysbysu'r person cofrestredig bod yn rhaid i unrhyw gais i gael ei gynrychioli gan berson heblaw am y rhai a restrir ym mharagraff (d) uchod gael ei anfon at y clerc nid llai na 48 awr cyn gwrandawriad, yn rhoi enw'r cynrychiolydd arfaethedig ac yn cadarnhau na fydd y cynrychiolydd arfaethedig yn cael ei alw'n dyst;
 - (g) yn hysbysu'r person cofrestredig na all person sy'n cynrychioli neu'n cynghori'r person cofrestredig roi tystiolaeth;
 - (h) yn hysbysu'r person cofrestredig y caiff gyflwyno sylwadau ysgrifenedig heb fod yn hwyrach na 24 awr cyn dyddiad y gwrandawriad i'r panel eu hystyried, os nad yw'n dymuno mynychu'r gwrandawriad;
 - (i) yn hysbysu'r person cofrestredig am y canlyniadau posibl sydd ar gael i'r panel os bydd canfyddiad o amhariad ar addaswydd i ymarfer;
 - (j) yn hysbysu'r person cofrestredig am bŵer y panel i fwrw ymlaen yn absenoldeb y person cofrestredig neu gynrychiolydd y person cofrestredig, yn y gwrandawriad;
 - (k) yn gwahodd y person cofrestredig i ddatgan a fydd y person cofrestredig a/neu gynrychiolydd y person cofrestredig yn bresennol yn y gwrandawriad.
 - (l) yn amgáu copïau o unrhyw ddogfennau i'w rhoi gerbron y panel, gan gynnwys copi o'r Rheolau hyn.
- (3) Ni chaiff y gwrandawriad ei drefnu ar gyfer unrhyw ddyddiad cyn 42 ddiwrnod ar ôl anfon yr hysbysiad o'r gwrandawriad ac eithrio gyda chytundeb y partiön.

Gohirio'r gwrandawriad

- 7. (1) Pan fo'r naill barti neu'r llall yn dymuno i'r gwrandawriad gael ei ohirio, rhaid cyflwyno cais o'r fath yn ysgrifenedig i gadeirydd y panel.
- (2) Rhaid i'r parti sy'n gwneud y cais gyflwyno copi o'r cais i'r parti arall, ynghyd ag unrhyw ddogfennau ategol.

- (3) Caiff y parti y cyflwynwyd y cais iddo gyflwyno ymateb ysgrifenedig i gadeirydd y panel.
- (4) Bydd cadeirydd y panel yn ystyried y cais ac yn penderfynu arno, gan ystyried:
 - (a) cyflwyniadau'r ddau barti;
 - (b) unrhyw ragfarn debygol i'r naill barti neu'r llall;
 - (c) y budd i'r cyhoedd o waredu'r cais yn hwylus.
- (5) Os cytunir i'r cais i ohirio neu os bydd rhaid ad-drefnu'r mater am reswm arall, bydd y clerc yn rhoi gwybod i'r partïon a'r achwynydd am ddyddiad newydd y gwrandawriad cyn gynted â phosibl.

Datgelu'r achos a chyflwyno dogfennau

8. (1) Heb fod yn hwyrach na 28 diwrnod cyn dyddiad y gwrandawriad, neu'n gynt os bydd hynny'n ofynnol yn ôl cyfarwyddydau a roddir o dan reol 3 mewn adolygiad cyn gwrandawriad neu o dan reol 5 mewn cyfarfod rheoli achos, rhaid i'r partïon gyflwyno i'w gilydd, a chyflwyno i ofal y clerc, gopïau o bob dogfen ac adroddiad y bwriadant ddibynnu arnynt.
- (2) Rhaid i'r partïon wneud trefniadau i ddogfennau gwreiddiol gael eu harchwilio o leiaf saith niwrnod cyn dyddiad y gwrandawriad.
- (3) Bydd y cyflwynydd yn ystyried a oes unrhyw ddogfennau pellach ym meddiant GCC a all fod o gymorth i'r person cofrestredig nad yw GCC yn dibynnu arnynt, a bydd yn cyflwyno copïau o'r cyfryw ddogfennau (os oes rhai) i'r person cofrestredig.
- (4) Heb fod yn hwyrach na saith niwrnod cyn gwrandawriad, bydd y clerc yn anfon copïau o'r canlynol i'r panel:
 - (a) yr hysbysiad o'r gwrandawriad;
 - (b) unrhyw ddogfennau a gyflwynwyd gan y partïon yn unol â pharagraffau (1) a (3) uchod.

RHAN III

Y WEITHDREFN MEWN GWRANDAWIAD ADDASRWYDD I YMARFER

Absenoldeb person cofrestredig o wrandawriad addasrwydd i ymarfer

9. (1) Os na fydd y person cofrestredig yn bresennol ac os na chaiff ei gynrychioli yn y gwrandawriad, bydd y panel:
- (a) yn gofyn am dystiolaeth bod hysbysiad o'r gwrandawriad wedi'i anfon at y person cofrestredig yn unol â rheol 6 neu o'r ymdrechion a wnaed i roi hysbysiad o'r gwrandawriad i'r person cofrestredig, ac
 - (b) yn holi a yw unrhyw resymau dros ddiffyg presenoldeb y person cofrestredig wedi'u cyfleu i GCC.
- (2) Pan fo paragraff (1) yn gymwys, bydd y panel yn penderfynu a ddylai arfer y disgrisiwn o dan reoliad 25(4) Rheoliadau Gofal Cymdeithasol Cymru (Achosion gerbron Paneli) 2016 i fwrw ymlaen â'r gwrandawriad yn absenoldeb y person cofrestredig neu ohirio'r gwrandawriad ar ei ganol a rhaid iddo roi rhesymau dros y penderfyniad.

Baich a safon y prawf

10. (1) GCC fydd yn gyfrifol am faich y prawf mewn achosion gerbron y panel addasrwydd i ymarfer.
- (2) Os oes anghydfod ynghylch y ffeithiau, bydd panel yn penderfynu ar y ffeithiau yn unol â'r safon mewn achosion sifil, yn unol â phwysau tebygolrwydd.

Addasrwydd i bledio

11. (1) Pan fo cwestiwn yn codi ynghylch addasrwydd person cofrestredig i bledio, bydd panel yn ystyried:
- (a) a all y person cofrestredig ddeall y materion yn yr achos;
 - (b) a all y person cofrestredig ddirnad effaith unrhyw gyngor a gaiff gan gynrychiolwyr y person cofrestredig (os oes rhai);
 - (c) a all y person cofrestredig roi cyfarwyddiadau yn unol â hynny.
- (2) Bydd panel yn derbyn tystiolaeth a chyflwyniadau arbenigwr ar y materion hyn.
- (3) Pan fo panel yn penderfynu bod y person cofrestredig yn anaddas i bledio, bydd yn cyflwyno gorchymyn i atal cofrestriad y person cofrestredig o'r gofrestr dros dro, hyd y cyfryw adeg ag y bo'r person cofrestredig yn addas i bledio.

Y weithdrefn yn y gwrandawriad

12. (1) Cynhelir y gwrandawriad mewn tri cham fel a ganlyn:
- (a) materion rhagarweiniol a chanfyddiadau ffeithiau;
 - (b) y canfyddiad ynghylch addasrwydd i ymarfer;

- (c) gwaredu.
- (2) Yn ystod y cam cyntaf, bydd y panel yn gwrando ar unrhyw geisiadau rhagarweiniol ac yn dyfarnu yn eu cylch, ac yn ddarostyngedig i unrhyw ganfyddiadau a wnaed mewn perthynas â'r ceisiadau rhagarweiniol, caiff y partïon gyflwyno tystiolaeth, gan gynnwys galw tystion yn unol â rheol 21.
- (3) Pan fo'r ffeithiau'n cael eu profi yn ystod y cam cyntaf, bydd yr ail gam yn mynd yn ei flaen yn unol â rheol 22.
- (4) Os bydd yr ail gam yn canfod bod amhariad ar addasrwydd y person cofrestredig i ymarfer, bydd y trydydd cam yn mynd yn ei flaen yn unol â rheol 25.

Cyplysiad

13. (1) Yn ddarostyngedig i ofynion gwrandawriad teg, caiff panel ystyried honiadau yn ymwneud â dau reswm neu fwy dros yr amhariad a ddisgrifir yn adran 117(1)(a) i (f) y Ddeddf, a dyfarnu yn eu cylch mewn un gwrandawriad, boed yr honiadau hynny'n destun un atgyfeiriad i'r panel neu atgyfeiriadau ar wahân.
- (2) Yn ddarostyngedig i ofynion gwrandawriad teg, caiff panel ystyried honiadau yn erbyn dau berson cofrestredig neu fwy mewn gwrandawriad ar y cyd pan fo'r honiad(au) yn erbyn pob person cofrestredig yn deillio o'r un amgylchiadau neu pan fo'r panel o'r farn bod gwrandawriad ar y cyd yn briodol.

Diwygio'r honiad(au)

14. (1) Yn ddarostyngedig i ofynion gwrandawriad teg, caiff y panel ddiwygio'r honiad(au) ar unrhyw adeg cyn i'r panel ganfod ffeithiau.
- (2) Yn gyntaf, bydd y panel yn gwrando ar sylwadau gan y partïon, ac yn derbyn cyngor gan y cynghorydd cyfreithiol, cyn penderfynu a ddylai'r honiad(au) gael ei ddiwygio neu eu diwygio, ai peidio.

Cyfaddefiadau

15. (1) Wedi i'r clerc ddarllen yr honiad(au), bydd y cadeirydd yn gofyn i'r person cofrestredig a gyfaddefir unrhyw ffeithiau (neu gollfarnau) a honnir, a gellir derbyn datganiad o ffeithiau cytûn.
- (2) Pan gyfaddefir unrhyw ffeithiau (neu gollfarnau), bydd y Cadeirydd yn cyhoeddi bod y cyfryw ffeithiau (neu gollfarnau) wedi eu profi a bydd y panel yn penderfynu ar fater yr amhariad ar addasrwydd i ymarfer.
- (3) Pan na chyfaddefir ffeithiau, neu pan fo anghydfod o hyd ynghylch rhai ffeithiau, bydd y cyflwynydd yn cyflwyno'r achos yn erbyn y person cofrestredig i'r panel ac yn dangos tystiolaeth i gefnogi'r ffeithiau hynny nas cyfaddefir.

Tystiolaeth

16. (1) Yn ddarostyngedig i reoliad 20(2) Rheoliadau Gofal Cymdeithasol Cymru (Achosion gerbron Paneli) 2016, caiff panel dderbyn tystiolaeth lafar, tystiolaeth ddogfennol neu dystiolaeth arall.
- (2) Bydd cynhyrchu cofnod o rybuddiad yn dystiolaeth prima facie o'r ffeithiau wrth wraidd y drosedd sydd wedi arwain at y rhybuddiad.
- (3) Caiff panel dderbyn tystiolaeth a gyflwynir gan barti er nad yw'r dystiolaeth honno wedi'i datgelu yn unol â rheol 8(1):
- (a) os bydd y partïon yn cydsynio; neu
 - (b) pan fo'r panel, ar ôl gwranddo ar gyflwyniadau gan y partïon a chael cyngor cyfreithiol gan y cynghorydd cyfreithiol, yn fodlon bod y dystiolaeth yn berthnasol ac y byddai'n deg ei derbyn.
- (4) O'i wirfodd, caiff panel ofyn i'r partïon ddarparu dogfennaeth neu dystiolaeth arall neu ofyn i unrhyw berson roi tystiolaeth lafar a allai, ym marn y panel, gynorthwyo â gwneud dyfarniad.

Tystion

17. (1) Rhaid i dystion dyngu llw neu ddwysaeru.
- (2) Ar gais y parti sy'n galw'r tyst, caiff panel gytuno na chaiff manylion personol y tyst eu datgelu'n gyhoeddus.
- (3) Yn ddarostyngedig i reoliad 24(12) Rheoliadau Gofal Cymdeithasol Cymru (Achosion gerbron Paneli) 2016, bydd tystion yn cael eu holi gan y parti sy'n eu galw ac yna gallant gael eu croesholi gan y parti sy'n gwrthwynebu. Yna, caiff y parti sy'n galw'r tyst ail-holi'r tyst.
- (4) Yna, caiff tystion eu holi gan banel, neu gan y cynghorydd cyfreithiol, gyda chaniatâd y cadeirydd.
- (5) Yna, caiff y partïon holi'r tystion ynghylch materion sy'n deillio o gwestiynau'r panel. Y parti sy'n galw'r tyst fydd y diwethaf i holi'r tyst.
- (6) Bydd y gallu i holi tystion ymhellach yn ôl disgrisiwn y panel.
- (7) Ni chaniateir i dystion fynychu a gwyllo'r achos hyd nes byddant wedi gorffen rhoi tystiolaeth i banel a'u rhyddhau'n ffurfiol gan y cadeirydd.

Mesurau arbennig

18. (1) Pan fo panel yn rhoi cyfarwyddyd o dan reoliad 24(11) Rheoliadau Gofal Cymdeithasol Cymru (Achosion gerbron Paneli) 2016, caiff y mesurau arbennig a weithredir neu a ddarperir gynnwys, ond ni fyddant yn gyfyngedig i:
- (a) ddefnyddio cysylltiadau fideo;
 - (b) defnyddio tystiolaeth a recordiwyd ymlaen llaw fel tystiolaeth tyst;
 - (c) defnyddio sgriniau;

- (d) defnyddio dehonglwyr (gan gynnwys arwyddwyr a chyfieithwyr) neu gyfryngwyr.

Gohirio'r gwrandawriad ar ei ganol

19. (1) Yn ddarostyngedig i ofynion gwrandawriad teg, ac wedi gwrandao ar gyflwyniadau gan y partïon, caiff panel, ar unrhyw adeg o'r gwrandawriad, ohirio'r achos ar ei ganol i ofyn am ragor o wybodaeth neu at unrhyw ddiben arall.
- (2) Pan fo'r gwrandawriad wedi'i ohirio ar ei ganol, bydd y clerch, cyn gynted ag y bo'n ymarferol, yn hysbysu'r partïon, yr achwynydd a'r cyflogwr(wyr) (os oes un/rhai) a, phan fo'r person cofrestredig wedi ei gofrestru yn y rhan o'r gofrestr ar gyfer myfyrwyr, y brifysgol, o'r dyddiad a ddewiswyd ar gyfer ailgychwyn y gwrandawriad.

Pleidleisio

20. (1) Gwneir penderfyniadau gan y panel ar sail mwyafrif syml.
- (2) Ni chaiff cadeirydd y panel gyflwyno pleidlais fwrw.
- (3) Ystyrir y bydd ymatal pleidlais yn bleidlais o blaid y person cofrestredig.

Canfyddiad ffeithiau

21. (1) Bydd y swyddog cyflwyno yn agor yr achos a chaiff gyflwyno tystiolaeth, gan gynnwys galw tystion.
- (2) Caiff y person cofrestredig neu, os caiff ei gynrychioli, cynrychiolydd y person cofrestredig, agor achos y person cofrestredig a chaiff gyflwyno tystiolaeth, gan gynnwys galw tystion.
- (3) Caiff y swyddog cyflwyno, yna'r person cofrestredig (neu gynrychiolydd y person cofrestredig, os caiff ei gynrychioli) gyflwyno sylwadau i'r panel ynghylch a yw'r ffeithiau honedig wedi'u profi.
- (4) Bydd y panel yn ystyried *in camera* a yw ffeithiau'r honiad(au) wedi'u profi, yn ôl pwysau tebygolrwydd.
- (5) Bydd y cadeirydd yn cyhoeddi gerbron y partïon, ganfyddiadau ffeithiau'r panel. Os canfyddir na phrofwyd unrhyw ffeithiau, gwrthodir yr achos.
- (6) Bydd yn ofynnol i'r panel roi rhesymau dros ei ganfyddiadau ar y ffeithiau.

Addasrwydd i ymarfer

22. (1) Caiff y partïon gyflwyno sylwadau i'r panel a chyflwyno tystiolaeth mewn perthynas ag a oes amhariad ar addasrwydd y person cofrestredig i ymarfer.
- (2) Wrth benderfynu ar fater amhariad ar addasrwydd i ymarfer, bydd y panel yn ystyried Côt Ymarfer Proffesiynol Gofal Cymdeithasol a gyhoeddwyd gan GCC a oedd mewn grym ar adeg y gweithredoedd neu'r anweithiau a achosodd yr amhariad honedig ar addasrwydd i ymarfer.

- (3) Pan fo'r panel yn ystyried a oes amhariad ar addasrwydd person cofrestredig i ymarfer oherwydd perfformiad diffygiol fel gweithiwr cymdeithasol neu weithiwr gofal cymdeithasol, bydd yn ystyried a yw'r diffyg honedig mewn perfformiad o'r fath fel y byddai'r person cofrestredig yn addas ar gyfer perfformio'r cyfan neu ran o waith person a gofrestrir yn y gofrestr.
- (4) Pan fo'r panel yn ystyried a oes amhariad ar addasrwydd person cofrestredig i ymarfer oherwydd iechyd corfforol neu iechyd meddwl andwyol:
 - (a) bydd yn ystyried a yw'r person cofrestredig yn addas yn gorfforol a meddyliol i berfformio'r cyfan neu ran o waith person a gofrestrir yn y gofrestr;
 - (b) bydd yn gallu ystyried unrhyw fethiant ar ran y person cofrestredig i gytuno i unrhyw wahoddiad rhesymol gan GCC i gael ei archwilio gan ymarferydd meddygol cofrestredig a enwebir gan GCC;
 - (c) bydd yn gallu ystyried:
 - (i) cyflwr corfforol neu feddyliol presennol y person cofrestredig,
 - (ii) unrhyw gyflwr parhaus neu ysbeidiol a ddioddefir gan y person cofrestredig, a
 - (iii) chyflwr a ddioddefir gan y person cofrestredig, er ei fod ar hyn o bryd wedi gwella dros dro, y disgwylir iddo achosi i'r amhariad ar addasrwydd i ymarfer ddychwelyd;
 - (d) bydd, yn amodol ar baragraff (e) isod, yn ystyried unrhyw adroddiadau meddygol neu dystiolaeth feddygol arall ynghylch a gafodd yr amhariad honedig ar addasrwydd i ymarfer ei achosi neu a gyfrannwyd iddo'n sylweddol gan afiechyd corfforol neu feddyliol y person cofrestredig;
 - (e) ni fydd yn derbyn unrhyw adroddiadau meddygol neu dystiolaeth feddygol arall oni bai bod y person cofrestredig wedi cydsynio i gael ei archwilio a chaniatáu i adroddiadau o'r fath gael eu darparu i'r panel.
- (5) Bydd y panel yn ystyried *in camera*, yn ôl y ffeithiau a brofwyd, a oes amhariad ar addasrwydd y person cofrestredig i ymarfer.
- (6) Bydd y panel yn datgan ei ganfyddiad ar y mater o amhariad gerbron y partiön a bydd yn rhoi rhesymau dros ei benderfyniad.

Canfyddiad o ddim amhariad: cynnig rhoi rhybudd

23. (1) Pan fo'r panel yn dyfarnu nad oes amhariad ar addasrwydd y person cofrestredig i ymarfer, ond mae'r panel yn cynnig rhoi rhybudd i'r person cofrestredig, dilyniir y weithdrefn ganlynol:
 - (a) bydd y cadeirydd yn cyhoeddi'r cynnig a'r rhesymau dros y cynnig;
 - (b) pan fo'r person cofrestredig neu ei gynrychiolydd yn bresennol, bydd y cadeirydd yn rhoi cyfle i'r person cofrestredig neu ei gynrychiolydd gyflwyno sylwadau;
 - (c) bydd y panel yn penderfynu, yn sgil unrhyw sylwadau a wnaed, p'un ai i roi rhybudd a bydd y cadeirydd yn cyhoeddi penderfyniad y panel.
- (2) Pan nad yw'r person cofrestredig yn bresennol nac yn cael ei gynrychioli, bydd y panel yn ystyried, gan roi sylw i'r rheswm dros absenoldeb y person cofrestredig, a ddylai'r person cofrestredig cael y cyfle i roi sylwadau ac, os

felly, a ddylid cyfyngu'r sylwadau i sylwadau ysgrifenedig neu a ddylai'r person cofrestredig gael y cyfle i fynychu gwrandawriad llafar.

- (3) Pan fo'r panel yn penderfynu yn unol â pharagraff (2), sef y dylai'r person cofrestredig gael y cyfle i roi sylwadau ysgrifenedig yn unig, anfonir hysbysiad at y person cofrestredig, yn cynnwys y wybodaeth ganlynol:
 - (a) hysbysiad o gynnig y panel i roi rhybudd;
 - (b) y rheswm(rhesymau) dros y cynnig;
 - (c) hawl y person cofrestredig i roi sylwadau yn ysgrifenedig cyn pen 21 diwrnod o ddyddiad yr hysbysiad.
- (4) Pan fo'r panel yn penderfynu y dylai'r person cofrestredig gael y cyfle i fynychu gwrandawriad llafar, anfonir hysbysiad at y person cofrestredig, yn cynnwys y wybodaeth ganlynol:
 - (a) hysbysiad o gynnig y panel i roi rhybudd;
 - (b) y rheswm(rhesymau) dros y cynnig;
 - (c) hawl y person cofrestredig i roi sylwadau naill ai yn ysgrifenedig neu yn bersonol mewn gwrandawriadau llafar, yn amodol ar roi hysbysiad ysgrifenedig i GCC o'r dymuniad i arfer y cyfryw hawl, cyn pen 21 diwrnod o ddyddiad yr hysbysiad;
 - (d) esboniad o'r weithdrefn mewn gwrandawriad llafar.
- (5) Pan nad yw'r person cofrestredig yn ymateb i hysbysiad o dan baragraffau (3) neu (4) neu yn ymateb gan gadarnhau nad yw'n dymuno gwneud unrhyw sylwadau, gall y rhybudd gael ei roi heb yr angen am gyfarfod pellach o'r panel.
- (6) Pan fo'r person cofrestredig yn ymateb i hysbysiad o dan baragraff (4) gan ddatgan nad yw'n dymuno mynychu gwrandawriad llafar ond mae'r person cofrestredig yn cyflwyno sylwadau ysgrifenedig neu pan fo person cofrestredig yn ymateb i hysbysiad o dan baragraff (3) trwy gyflwyno sylwadau ysgrifenedig, bydd y panel yn cyfarfod i ystyried unrhyw sylwadau ysgrifenedig a gyflwynir i GCC cyn penderfynu p'un ai i roi rhybudd.
- (7) Pan fo'r panel yn cynnull o dan baragraff (6), bydd y panel yn cyfarfod yn breifat i benderfynu p'un ai i roi rhybudd.
- (8) Anfonir hysbysiad o benderfyniad y panel o dan baragraff (7) at y person cofrestredig cyn pen saith niwrnod o gyfarfod y panel.

Gwrandawriad llafar mewn perthynas â rhybudd arfaethedig

24. (1) Bydd y rheol hon yn gymwys pan fo person cofrestredig wedi gwneud cais am wrandawriad llafar mewn ymateb i hysbysiad:
 - (a) o dan reol 23(4), neu
 - (b) o dan adran 128(1) y Ddeddf.
- (2) Anfonir hysbysiad o'r gwrandawriad at y person cofrestredig:
 - (a) yn datgan dyddiad, amser a lleoliad y gwrandawriad;
 - (b) yn nodi'r cynnig ar gyfer rhoi rhybudd a'r rhesymau dros y cynnig;

- (c) gyda chopïau o unrhyw ddogfennau neu dystiolaeth y dibynnir arnynt i ategu'r cynnig;
 - (d) yn hysbysu'r person cofrestredig am ei hawliau i:
 - (i) fynychu'r gwrandawriad;
 - (ii) gwneud cyflwyniadau llafar i'r panel naill ai'n bersonol neu drwy gynrychiolydd;
 - (iii) cyflwyno dystiolaeth ysgrifenedig;
 - (e) yn hysbysu'r person cofrestredig am y weithdrefn yn y gwrandawriad llafar;
 - (f) yn hysbysu'r person cofrestredig am bŵer y panel i fwrw ymlaen yn absenoldeb y person cofrestredig, neu gynrychiolydd y person cofrestredig, yn y gwrandawriad;
 - (g) yn gwahodd y person cofrestredig i ddatgan a fydd y person cofrestredig a/neu gynrychiolydd y person cofrestredig yn bresennol yn y gwrandawriad.
- (3) Ni chaiff y gwrandawriad ei drefnu ar gyfer unrhyw ddyddiad cyn 28 diwrnod ar ôl anfon yr hysbysiad o'r gwrandawriad ac eithrio gyda chytundeb y partïon.
- (4) Yn ddarostyngedig i ofynion gwrandawriad teg, caiff y panel benderfynu ar ei weithdrefnau ei hun yn gyffredinol a chaiff ddyroddi cyfarwyddydau ynghylch penderfynu ar y gwrandawriad yn gyfiawn a phrydlon.
- (5) Cynhelir y gwrandawriad fel a ganlyn:
- (a) bydd y cyflwynydd yn amlinellu'r cynnig i roi rhybudd, y rhesymau drosto ac yn tynnu sylw i unrhyw dystiolaeth ysgrifenedig berthnasol;
 - (b) bydd y person cofrestredig neu ei gynrychiolydd yn gwneud cyflwyniadau mewn ymateb ac yn cyfeirio at unrhyw dystiolaeth ysgrifenedig y dibynnodd arni;
 - (c) bydd y panel yn ystyried *in camera*, yn sgil y sylwadau a'r dystiolaeth ysgrifenedig a gyflwynwyd, a yw'n briodol rhoi rhybudd;
 - (d) bydd y cadeirydd yn cyhoeddi penderfyniad y panel ym mhresenoldeb y partïon a bydd yn rhoi rhesymau dros benderfyniad y panel.

Canfyddiad o amhariad: cyflwyniadau ynghylch gwaredu

25. (1) Pan fo panel addasrwydd i ymarfer wedi dyfarnu bod amhariad ar addasrwydd person cofrestredig i ymarfer, bydd y cadeirydd yn cyhoeddi'r dulliau gwaredu sydd ar gael i'r panel a amlinellir yn adran 138(3) i (9) y Ddeddf a bydd yn gwahodd sylwadau gan y cyflwynydd a'r person cofrestredig ynghylch y gwarediad priodol.
- (2) Bydd y cyflwynydd yn rhoi manylion cofnod blaenorol y person cofrestredig gyda GCC (os oes un) i'r panel a chaiff gyflwyno dystiolaeth a rhoi cyflwyniadau mewn perthynas â'r gwarediad priodol, os o gwbl, sydd i'w wneud gan y panel.
- (3) Yna, caiff y person cofrestredig annerch y panel mewn ymateb a chaiff gyflwyno geirada a thystlythyron, a chaiff alw ar dystion cymeriad i'w gefnogi.
- (4) Pan elwir dystion cymeriad, caiff y cyflwynydd a'r panel eu holi.
- (5) Pan fo'r person cofrestredig wedi dewis peidio â bod yn bresennol yn y gwrandawriad, caiff y person cofrestredig gyflwyno gyflwyniadau yn

ysgrifenedig, ymlaen llaw, i'r cler. Bydd y cler yn darparu'r cyfryw gyflwyniadau i'r panel.

- (6) Ar ôl clywed cyflwyniadau'r person cofrestredig, bydd y panel yn penderfynu, *in camera*, ar y gwarediad priodol.

Gwaredu drwy ddileu drwy gytundeb: gweithdrefn

26. (1) Mae'r rheol yn gymwys:

- (a) pan fo'r person cofrestredig wedi gwneud cais o dan adran 92 y Ddeddf i'r cofnod sy'n ymwneud â'r person hwnnw gael ei ddileu drwy gytundeb, a
- (b) pan fo'r person cofrestredig wedi'i atgyfeirio i'r panel o dan reol 9(3) i (5) Reolau Gofal Cymdeithasol Cymru (Ymchwilio) 2017.

(2) Pan fo person a awdurdodir yn briodol:

- (a) wedi'i fodloni bod rhagolwg gwirioneddol o ganfyddiad o amhariad ar addasrwydd i ymarfer mewn perthynas â'r honiad yn erbyn y person cofrestredig, ond
- (b) nad yw er budd y cyhoedd i fynnu gwrandawriad llawn ynghylch yr honiad(au) yn erbyn y person cofrestredig

gall person a awdurdodir yn briodol wahodd y person cofrestredig i:

- (i) gyfaddef yr honiad(au);
- (ii) llofnodi datganiad o ffeithiau cytûn;
- (iii) cyfaddef bod amhariad ar ei addasrwydd i ymarfer oherwydd y materion a amlinellir yn y datganiad o ffeithiau cytûn.

- (3) Pan fo gofynion paragraff (3) wedi'u bodloni, caiff panel ei wahodd i wneud gorchymyn i'r cofnod sy'n ymwneud â'r person cofrestredig gael ei ddileu o'r gofrestr drwy gytundeb o dan adran 135(2) y Ddeddf.
- (4) Ni fydd panel sy'n ystyried cais o dan y rheol hon orchymyn i'r cofnod sy'n ymwneud â'r person cofrestredig gael ei ddileu o'r gofrestr os bydd y panel yn meddwl ei bod er budd y cyhoedd cynnal gwrandawriad llawn o'r honiadau.

Gwaredu: ymgymeriadau

27. (1) Mae'r rheol hon yn gymwys i achos a atgyfeiriwyd i'r panel ar gyfer gwrandawriad, pan fo person a awdurdodir yn briodol:

- (a) wedi'i fodloni bod rhagolwg gwirioneddol o ganfyddiad o amhariad ar addasrwydd i ymarfer mewn perthynas â'r honiad(au) yn erbyn y person cofrestredig, ond
- (b) nad yw er budd y cyhoedd i fynnu gwrandawriad llawn ynghylch yr honiad(au) yn erbyn y person cofrestredig.

(2) Pan fo paragraff (1) yn gymwys, gall y person a awdurdodir yn briodol wahodd y person cofrestredig i:

- (a) gyfaddef yr honiad(au);

- (b) llofnodi datganiad o ffeithiau cytûn;
 - (c) cyfaddef bod amhariad ar ei addasrwydd i ymarfer oherwydd y materion a amlinellir yn y datganiad o ffeithiau cytûn;
 - (d) cytuno ar delerau ymgymeriad(au) arfaethedig.
- (3) Pan fo paragraff (2) yn gymwys, caiff panel addasrwydd i ymarfer waredu'r achos trwy gytuno ar yr ymgymeriad(au) arfaethedig gyda'r person cofrestredig, ar yr amod bod y panel yn fodlon na fyddai hyn yn groes i fudd y cyhoedd.
- (4) Pan fo'r achos yn cael ei waredu drwy ymgymeriad(au) yn unol â'r rheol hon, bydd GCC yn rhoi hysbysiad o'r canlyniad i'r canlynol, cyn pen saith niwrnod:
- (a) y person cofrestredig;
 - (b) yr achwynydd;
 - (c) cyflogwr(wyr) y person cofrestredig (os oes un/rhai);
 - (d) pan fo'r person cofrestredig wedi'i gofrestru yn y rhan o'r gofrestr ar gyfer myfyrwyr, y brifysgol.
- (5) Rhaid i GCC ystyried p'un ai i arfer ei ddisgresiwn o dan adran 159 y Ddeddf i ddatgelu gwybodaeth am ei benderfyniad i:
- (a) Lywodraeth Cymru;
 - (b) y Gwasanaeth Datgelu a Gwahardd;
 - (c) unrhyw gorff rheoleiddiol perthnasol.
- (6) Pan fo'r achos yn cael ei waredu trwy gyfrwng ymgymeriad(au) yn unol â'r rheol hon, caiff person a awdurdodir yn briodol ofyn i'r:
- (a) person cofrestredig; neu
 - (b) gyflogwr(wyr) y person cofrestredig (os oes un/rhai)
- am y cyfryw wybodaeth ag a fydd yn galluogi person a awdurdodir yn briodol i benderfynu a gydymffurfiwyd â'r ymgymeriad(au) neu a barheir i gydymffurfio â'r ymgymeriad.
- (7) Pan fo'r achos yn cael ei waredu drwy ymgymeriad(au) yn unol â'r rheol hon ac mae person a awdurdodir yn briodol wedyn yn derbyn gwybodaeth i'r person cofrestredig gydymffurfio'n llawn â gofynion yr ymgymeriad(au), bydd person a awdurdodir yn briodol yn hysbysu'r person cofrestredig na ddylai'r ymgymeriad(au) fod yn gymwys mwyach a chaiff hysbysu'r personau eraill hynny a nodir ym mharagraffau (4) a (5) o'r rheol hon i'r perwyl hwnnw.
- (8) Pan fo'r achos yn cael ei waredu drwy ymgymeriad(au) yn unol â'r rheol hon ac mae GCC wedyn yn derbyn gwybodaeth sy'n nodi na chydymffurfiwyd ag ymgymeriad(au) (neu mae'r person cofrestredig yn methu â rhoi gwybodaeth berthnasol mewn ymateb i gais o dan baragraff (6)(a) o'r rheol hon), bydd swyddog a awdurdodir yn briodol yn atgyfeirio'r achos i banel addasrwydd i ymarfer er mwyn cynnal adolygiad yn unol ag adran 133(3) y Ddeddf.
- (9) Bydd adran 152 y Ddeddf yn gymwys i unrhyw adolygiad o ymgymeriadau gan banel addasrwydd i ymarfer.

Penderfyniad

28. (1) Bydd y cadeirydd yn cyhoeddi ei benderfyniad ynghylch gwarediad ym mhresenoldeb y partïon, ac yn rhoi rhesymau dros benderfyniad y panel.

Hysbysiad o'r penderfyniad

29. (1) Cyn pen saith niwrnod o ddiwedd y gwrandawriad, bydd y clerc yn anfon hysbysiad o'r penderfyniad at:
- (a) y person cofrestredig;
 - (b) yr achwynydd;
 - (c) cyflogwr(wyr) y person cofrestredig (os oes un/rhai);
 - (d) pan fo'r person cofrestredig wedi'i gofrestru yn y rhan o'r gofrestr ar gyfer myfyrwyr, y brifysgol.
- (2) Bydd yr hysbysiad o'r penderfyniad i'r person cofrestredig yn:
- (a) cofnodi unrhyw gyngor a roddwyd gan y cynghorydd cyfreithiol a/neu'r cynghorydd meddygol;
 - (b) amlinellu canfyddiadau ffeithiau'r panel, a'i benderfyniadau ynghylch yr amhariad ar addasrwydd i ymarfer a'r gwarediad;
 - (c) nodi'r rhesymau dros benderfyniadau'r panel;
 - (d) hysbysu'r person cofrestredig am yr hawl i apelio i'r tribiwnlys;
 - (e) hysbysu'r person cofrestredig ynghylch pa bryd bydd unrhyw warediad a osodir yn cael effaith.
- (3) Caiff GCC hysbysu:
- (a) Llywodraeth Cymru;
 - (b) y Gwasanaeth Datgelu a Gwahardd;
 - (c) corff rheoleiddiol am ei benderfyniad.
- (4) Rhaid i GCC hysbysu Awdurdodau Cymwys perthnasol eraill yn yr Undeb Ewropeaidd am y penderfyniad, yn unol â'r hyn sy'n ofynnol o dan Gyfarwydddeb 2005/36/EC.

Trawsgrifiad o'r gwrandawriad

30. (1) Gwneir trefniadau ar gyfer cofnodi gwrandawriad gerbron panel.
- (2) Os gwneir cais, bydd GCC yn anfon trawsgrifiad at y person cofrestredig a'r achwynydd o'r cofnod, o unrhyw ran o'r achos yr oedd hawl gan y person cofrestredig neu, yn ôl digwydd, yr achwynydd fod yn bresennol ar ei gyfer.

RHAN IV

CYFARFODYDD PANEL ADDASRWYDD I YMARFER

Achos heb wrandawriad

31. (1) Gellir dyfarnu ar achos heb wrandawriad yn unol â rheolau 32 i 33:
- (a) pan fo'r amgylchiadau yn rheoliad 17(1) Rheoliadau Gofal Cymdeithasol Cymru (Achosion gerbron Paneli) 2016 yn gymwys, a
 - (b) phan fo'r person cofrestredig wedi cyfaddef yn ysgrifenedig fod amhariad ar ei addasrwydd i ymarfer.
- (2) Caiff achosion addasrwydd i ymarfer, ac eithrio achosion adolygu o dan adran 151 y Ddeddf, eu dyfarnu hefyd gan banel heb wrandawriad:
- (a) os rhoddwyd cyfarwyddydau o dan reol 3 neu 5 y dylid cyflwyno datganiadau tyst i'r person cofrestredig ynghyd â hysbysiad bod GCC yn bwriadu dibynnu ar y datganiadau tyst heb alw ar y sawl a wnaeth y datganiadau, oni bai bod y person cofrestredig yn cyflwyno hysbysiad cyn pen 14 diwrnod o gyflwyno'r datganiadau iddo ei bod hi'n ofynnol i'r tyst dan sylw fod yn bresennol a rhoi tystiolaeth lafar; ac
 - (b) os yw GCC yn unol â'r cyfarwyddydau y cyfeirir atynt ym mharagraff (a), wedi cyflwyno pob datganiad tyst ac nid yw'r person cofrestredig wedi hysbysu bod angen i'r tystion fod yn bresennol a rhoi tystiolaeth lafar; ac
 - (c) os rhoddwyd hysbysiad i'r person cofrestredig o dan reol 5(3), yn absenoldeb unrhyw ohebiaeth gan y person cofrestredig, y gall cyfarwyddyd gael ei roi i ddyfarnu ar yr achos mewn cyfarfod o'r panel trwy ystyried tystiolaeth a chyflwyniadau ysgrifenedig heb i'r partion fod yn bresennol; ac
 - (d) os nad yw GCC wedi derbyn gohebiaeth gan y person cofrestredig neu mae'r person cofrestredig wedi cadarnhau yn ysgrifenedig nad yw'n bwriadu bod yn bresennol mewn gwrandawriad llafar na chael ei gynrychioli yno; ac
 - (e) os rhoddwyd cyfarwyddyd gan banel addasrwydd i ymarfer o dan reol 5(5)(g).
- (3) Caiff panel hefyd wneud dyfarniad o dan reol 26 neu 27 heb wrandawriad os yw'r person cofrestredig wedi cytuno yn ysgrifenedig y gellir dyfarnu ar yr achos mewn cyfarfod o'r panel addasrwydd i ymarfer heb i'r partion fod yn bresennol.
- (4) Pan fo'r amgylchiadau ym mharagraffau (1), (2) neu (3) yn gymwys, gellir atgyfeirio'r achos i'w ystyried gan banel mewn cyfarfod yn unol â rheolau 32 a 33.

Hysbysiad o'r cyfarfod

32. (1) Pan fo'r achos wedi'i restru i'w ystyried mewn cyfarfod panel, bydd y clerc yn anfon hysbysiad o'r cyfarfod at:
- (a) y person cofrestredig;
 - (b) yr achwynydd;

- (c) cyflogwr(wyr) y person cofrestredig (os oes un/rhai); neu
 - (d) pan fo'r person cofrestredig wedi'i gofrestru yn y rhan o'r gofrestr ar gyfer myfyrwyr, y brifysgol.
- (2) Yn achos atgyfeiriad o dan reol 31(1), bydd yr hysbysiad o'r cyfarfod:
- (a) yn datgan dyddiad, amser a lleoliad y cyfarfod;
 - (b) yn nodi'r honiad(au) yn erbyn y person cofrestredig;
 - (c) yn cynnwys yr holl ddogfennau i'w hystyried gan y panel addasrwydd i ymarfer, gan gynnwys y datganiad o ffeithiau cytûn ac unrhyw gyflwyniadau ysgrifenedig gan GCC ynghylch yr amhariad ar addasrwydd i ymarfer a/neu y gwarediad;
 - (d) yn hysbysu'r person cofrestredig am y dulliau gwaredu posibl sydd ar gael i'r panel os bydd canfyddiad o amhariad ar addasrwydd i ymarfer;
 - (e) yn gwahodd y person cofrestredig i ddarparu unrhyw gyflwyniadau ysgrifenedig y dymuna eu cyflwyno am yr achos, gan gynnwys unrhyw ffactorau lliniarol, cyn pen 28 diwrnod o ddyddiad yr hysbysiad;
 - (f) yn amgáu copi o'r Rheolau hyn.
- (3) Yn achos atgyfeiriad o dan reol 31(2), bydd yr hysbysiad o'r cyfarfod:
- (a) yn datgan dyddiad, amser a lleoliad y cyfarfod;
 - (b) yn nodi'r honiad(au) yn erbyn y person cofrestredig;
 - (c) yn cynnwys yr holl ddatganiadau a thystiolaeth ysgrifenedig y mae GCC yn dibynnu arnynt ynghyd ag unrhyw gyflwyniadau ysgrifenedig gan GCC ynghylch y ffeithiau honedig, yr amhariad honedig ar addasrwydd i ymarfer a/neu y gosb;
 - (d) yn hysbysu'r person cofrestredig am eu hawliau i:
 - (i) fynychu gwrandawriad llafar;
 - (ii) rhoi tystiolaeth i'r panel;
 - (iii) gwneud cyflwyniadau llafar i'r panel naill ai'n bersonol neu drwy gynrychiolydd;
 - (iv) galw tystion a'u croesholi;
 - (e) yn hysbysu'r person cofrestredig bod yn rhaid iddo hysbysu GCC yn ysgrifenedig cyn pen 14 diwrnod o ddyddiad yr hysbysiad o'r cyfarfod os yw'n dymuno arfer unrhyw hawl ym mharagraff (d) ac, yn absenoldeb unrhyw hysbysiad o'r fath, y caiff y panel addasrwydd i ymarfer fwrw ymlaen i ymdrin â'r achos mewn cyfarfod ar y dyddiad penodedig;
 - (f) yn hysbysu'r person cofrestredig am y dulliau gwaredu posibl sydd ar gael i'r panel os bydd canfyddiad o amhariad ar addasrwydd i ymarfer;
 - (g) yn gwahodd y person cofrestredig i ddarparu unrhyw wybodaeth ysgrifenedig y dymuna ei chyflwyno am yr achos, gan gynnwys unrhyw ffactorau lliniarol, cyn pen 28 diwrnod o ddyddiad yr hysbysiad;
 - (h) yn amgáu copi o'r Rheolau hyn.
- (4) Yn achos atgyfeiriad o dan reol 31(3), bydd yr hysbysiad o'r cyfarfod:
- (a) yn datgan dyddiad, amser a lleoliad y cyfarfod;
 - (b) yn nodi'r honiad(au) yn erbyn y person cofrestredig;
 - (c) yn cynnwys yr holl ddogfennau y mae GCC yn dibynnu arnynt, gan gynnwys datganiad o ffeithiau cytûn wedi'i lofnodi gan y person cofrestredig (ac, yn achos cais o dan reol 27, copi o'r ymgymeriad arfaethedig);

- (d) yn hysbysu'r person cofrestredig am ei hawliau i:
 - (i) fynychu gwrandawriad llafar;
 - (ii) rhoi tystiolaeth i'r panel;
 - (iii) gwneud cyflwyniadau llafar i'r panel naill ai'n bersonol neu drwy gynrychiolydd;
 - (iv) galw tystion a'u croesholi;
 - (e) yn hysbysu'r person cofrestredig bod yn rhaid iddo hysbysu GCC yn ysgrifenedig cyn pen 14 diwrnod o ddyddiad yr hysbysiad o'r cyfarfod os yw'n dymuno arfer unrhyw hawl ym mharagraff (d) ac, yn absenoldeb unrhyw hysbysiad o'r fath, y caiff y panel addasrwydd i ymarfer fwrw ymlaen i ymdrin â'r achos mewn cyfarfod ar y dyddiad penodedig;
 - (f) yn hysbysu'r person cofrestredig am effaith rheol 26(4) neu 27(3), yn ôl y digwydd;
 - (g) yn achos cais o dan reol 27, yn hysbysu'r person cofrestredig o effaith rheol 27(6) i (9);
 - (h) yn amgáu copi o'r Rheolau hyn.
- (5) Ni chaiff y cyfarfod ei drefnu ar gyfer unrhyw ddyddiad cyn 42 ddiwrnod ar ôl anfon yr hysbysiad o'r cyfarfod ym mharagraff (1), (2) neu (3) ac eithrio gyda chytundeb y partïon.

Y weithdrefn mewn cyfarfod panel addasrwydd i ymarfer

33. (1) Bydd panel yn cyfarfod yn breifat gyda chynghorydd cyfreithiol, ond ni fydd unrhyw barti yn bresennol.
- (2) Pan fo'r person cofrestredig wedi gwneud cais i'r achos gael ei ystyried mewn gwrandawriad, bydd y panel yn gohirio'r cyfarfod ar ei ganol ac yn atgyfeirio'r achos i wrandawriad.
- (3) Os bydd y panel yn ystyried, ar unrhyw adeg yn ystod y cyfarfod, y dylid ymdrin â'r achos mewn gwrandawriad er cyfiawnder ac er budd y cyhoedd, atgyfeirir yr achos i wrandawriad.
- (4) Bydd y panel yn ystyried yr achos ar sail y datganiadau ysgrifenedig neu'r datganiad o ffeithiau cytûn (yn ôl y digwydd) ac unrhyw gyflwyniadau ysgrifenedig a wnaed gan GCC a chan neu ar ran y person cofrestredig.
- (5) Ac eithrio fel y darperir ym mharagraffau (1) i (4) y rheol hon, bydd y rheolau canlynol yn gymwys i gyfarfod addasrwydd i ymarfer fel y maent yn gymwys i wrandawriad addasrwydd i ymarfer, sef; rheol 10 (baich a safon y prawf); rheol 12(1) (y weithdrefn yn y gwrandawriad); rheol 16 (tystiolaeth); rheol 19 (gohirio'r gwrandawriad yn ei ganol); rheol 20 (pleidleisio); rheol 22(2) i (4) (addasrwydd i ymarfer); rheol 23 (cynnig roi rhybudd); rheol 24 (gwrandawriad llafar mewn perthynas â rhybudd arfaethedig) a rheol 29 (hysbysiad o'r penderfyniad).
- (6) Bydd penderfyniad y panel a'r rhesymau dros y penderfyniad ym mhob cam yn cael eu datgan yn gyhoeddus, naill ai ar ddiwedd y cyfarfod neu ar ddyddiad dilynol.

RHAN V
ADOLYGU

Achosion adolygu

34. (1) Mae'r rheolau hyn yn gymwys i achosion adolygu a gynhelir gan banel addasrwydd i ymarfer dan adran 133 neu 151 y Ddeddf, pan fo'r canlynol yn cael effaith:
- (a) ymgymeriadau y cytunir arnynt rhwng person cofrestredig a GCC o dan adran 126(3)(d);
 - (b) ymgymeriadau y cytunir arnynt rhwng panel addasrwydd i ymarfer a pherson cofrestredig o dan adran 136(1), 152(5) neu (6), 153(4) neu 155(7);
 - (c) gorchymyn cofrestru amodol a wneir (neu a gadarnheir neu a amrywir) o dan adran 138(7), 152(8)(c), 153(6) neu (7), 154(8)(c) neu 155(10)(c) mewn perthynas â pherson cofrestredig;
 - (d) gorchymyn atal dros dro a wneir (neu a gadarnheir neu a amrywir) o dan adran 138(8), 152(8)(d), 153(9)(c) neu 154(6) neu (7) mewn perthynas â pherson cofrestredig.

Hysbysiad o'r gwrandawriad

35. (1) Bydd y clerc yn anfon hysbysiad o'r gwrandawriad adolygu at:
- (a) y person cofrestredig;
 - (b) yr achwynydd;
 - (c) cyflogwr(wyr) y person cofrestredig (os oes un/rhai); neu
 - (d) pan fo'r person cofrestredig wedi'i gofrestru yn y rhan o'r gofrestr ar gyfer myfyrwyr, y brifysgol.
- (2) Bydd yr hysbysiad o'r gwrandawriad i'r person cofrestredig:
- (a) yn datgan dyddiad, amser a lleoliad y gwrandawriad;
 - (b) yn nodi'r rheswm dros atgyfeirio at ddiben adolygu;
 - (c) yn hysbysu'r person cofrestredig am ei hawl i gael ei gynrychioli gan:
 - (i) gyfreithiwr neu gwmsler; neu
 - (ii) gynrychiolydd o unrhyw sefydliad proffesiynol; neu
 - (iii) os yw'r panel yn cytuno, unrhyw berson arall;
 - (d) yn hysbysu'r person cofrestredig o'i hawliau i:
 - (i) fynychu'r gwrandawriad;
 - (ii) rhoi tystiolaeth i'r panel;
 - (iii) gwneud cyflwyniadau llafar i'r panel naill ai'n bersonol neu drwy gynrychiolydd;
 - (iv) galw tystion a'u croesholi;
 - (e) yn hysbysu'r person cofrestredig bod yn rhaid i unrhyw gais i gael ei gynrychioli gan berson heblaw am y rhai a restrir ym mharagraff (c) uchod gael ei anfon at y clerc nid llai na 48 awr cyn gwrandawriad, yn rhoi enw'r cynrychiolydd arfaethedig ac yn cadarnhau na fydd y cynrychiolydd arfaethedig yn cael ei alw'n dyst;
 - (f) yn hysbysu'r person cofrestredig na all person sy'n cynrychioli neu'n cynghori'r person cofrestredig roi tystiolaeth;

- (g) yn hysbysu'r person cofrestredig y caiff gyflwyno sylwadau ysgrifenedig heb fod yn hwyrach na 24 awr cyn dyddiad y gwrandawriad i'r panel eu hystyried, os nad yw'n dymuno mynychu'r gwrandawriad;
 - (h) yn hysbysu'r person cofrestredig am y canlyniadau posibl o dan Bennod 5 y Ddeddf;
 - (i) yn hysbysu'r person cofrestredig am bŵer y panel i fwrw ymlaen yn absenoldeb y person cofrestredig, neu gynrychiolydd y person cofrestredig, yn y gwrandawriad;
 - (j) yn gwahodd y person cofrestredig i ddatgan a fydd y person cofrestredig a/neu gynrychiolydd y person cofrestredig yn bresennol yn y gwrandawriad;
 - (k) yn amgáu copïau o unrhyw ddogfennau i'w rhoi gerbron y panel, gan gynnwys copi o'r Rheolau hyn.
- (3) Ni chaiff y gwrandawriad ei drefnu ar gyfer unrhyw ddyddiad cyn 42 ddiwrnod ar ôl anfon yr hysbysiad o'r gwrandawriad ac eithrio gyda chytundeb y partïon.

Datgelu'r achos a chyflwyno dogfennau

36. (1) Heb fod yn hwyrach na 28 diwrnod cyn dyddiad y gwrandawriad, neu'n gynt os bydd hynny'n ofynnol yn ôl cyfarwyddydau a roddir o dan reol 3 mewn adolygiad cyn gwrandawriad neu o dan reol 5 mewn cyfarfod rheoli achos, rhaid i'r partïon gyflwyno i'w gilydd, a chyflwyno i ofal y cler, gopïau o bob dogfen ac adroddiad y bwriadant ddibynnu arnynt.
- (2) Os bydd parti yn dymuno archwilio dogfennau gwreiddiol a ddelir gan y parti arall, rhaid gwneud trefniadau gyda'r parti arall i'w harchwilio o leiaf saith niwrnod cyn dyddiad y gwrandawriad.
- (3) Bydd y cyflwynydd yn ystyried a oes unrhyw ddogfennau pellach ym mediant GCC a all fod o gymorth i'r person cofrestredig nad yw GCC yn dibynnu arnynt, a bydd yn cyflwyno copïau o'r cyfryw ddogfennau (os oes rhai) i'r person cofrestredig.
- (4) Heb fod yn hwyrach na saith niwrnod cyn gwrandawriad, bydd y cler yn anfon copïau o'r canlynol i'r panel:
- (a) yr hysbysiad o'r gwrandawriad;
 - (b) unrhyw ddogfennau a gyflwynwyd gan y partïon yn unol â pharagraffau (1) a (3) uchod.

Y weithdrefn yn y gwrandawriad

37. (1) Cynhelir y gwrandawriad adolygu fel a ganlyn:
- (a) bydd y cyflwynydd yn amlinellu ffeithiau'r achos a'r amgylchiadau y cyflwynwyd yr ymgymeriadau odanynt neu y gwnaed y gorchymyn cofrestru amodol neu'r gorchymyn atal dros dro odanynt (yn ôl y digwydd);
 - (b) caiff y cyflwynydd gyflwyno dogfennau a galw tystion;
 - (c) pan fo adran 133(3) y Ddeddf yn gymwys, bydd y cyflwynydd yn amlinellu'r hyn sy'n sail i'r honiad fod y person cofrestredig wedi torri'r ymgymeriad neu'r gorchymyn cofrestru amodol (yn ôl y digwydd);

- (d) caiff y person cofrestredig gyflwyno dogfennau a galw tystion a rhoi cyflwyniadau;
 - (e) bydd y panel yn cael cyngor cyfreithiol gan y cynghorydd cyfreithiol a'r cynghorydd meddygol (os bydd yn bresennol);
 - (f) at ddiben dod i unrhyw benderfyniad mewn perthynas â'r gwrandawriad, bydd y panel yn eistedd *in camera*;
 - (g) bydd y panel yn cyhoeddi unrhyw benderfyniad ym mhresenoldeb y partïon.
- (2) Ac eithrio fel y darperir ym mharagraffau (1) (a) i (g) y rheol hon, bydd y rheolau canlynol yn gymwys i wrandawiadau adolygu, sef: rheol 3 (adolygiad cyn gwrandawriad); rheol 5 (rheoli achos); rheol 7 (gohirio'r gwrandawriad); rheol 9 (absenoldeb person cofrestredig); rheol 10 (baich a safon y prawf); rheol 16 (tystiolaeth); rheol 17 (tystion); rheol 18 (mesurau arbennig); rheol 19 (gohirio gwrandawriad ar ei ganol); rheol 20 (pleidleisio); rheol 22(2) i (4) (addasrwydd i ymarfer); rheol 23 (cynnig rhoi rybudd); rheol 24 (gwrandawriad llafar mewn perthynas â rhybudd arfaethedig); rheol 25 (canfyddiad o amhariad: cyflwyniadau ynghylch gwaredu); rheol 28 (penderfyniad); rheol 29 (hysbysiad o'r penderfyniad) a rheol 30 (trawsgrifiad o'r gwrandawriad).

Achos heb wrandawriad

38. (1) Gellir dyfarnu ar achos adolygu heb wrandawriad pan fo'r amgylchiadau yn rheoliad 17(2) Rheoliadau Gofal Cymdeithasol Cymru (Achosion gerbron Paneli) 2016 yn gymwys.
- (2) Pan fo'r amgylchiadau ym mharagraff (1) yn gymwys, gellir atgyfeirio'r achos i'w ystyried gan banel mewn cyfarfod, yn unol â rheolau 39 a 40.

Hysbysiad o'r cyfarfod

39. (1) Pan fo'r achos wedi'i restru i'w ystyried mewn cyfarfod panel, bydd y clerc yn anfon hysbysiad o'r cyfarfod at:
- (a) y person cofrestredig;
 - (b) yr achwynydd;
 - (c) cyflogwr(wyr) y person cofrestredig (os oes un/rhai); neu
 - (d) pan fo'r person cofrestredig wedi'i gofrestru yn y rhan o'r gofrestr ar gyfer myfyrwyr, y brifysgol.
- (2) Bydd yr hysbysiad o'r cyfarfod:
- (a) yn datgan dyddiad, amser a lleoliad y cyfarfod;
 - (b) yn rhoi'r rheswm dros atgyfeirio achos i'w adolygu;
 - (c) yn cynnwys yr holl ddogfennau i'w hystyried gan y panel addasrwydd i ymarfer, gan gynnwys cytundeb ysgrifenedig y person cofrestredig i un o'r penderfyniadau y cyfeirir atynt yn rheoliad 17(3)(a) i (c) ac unrhyw gyflwyniadau ysgrifenedig gan y partïon;
 - (d) yn hysbysu'r person cofrestredig am y dulliau gwaredu posibl sydd ar gael i'r panel;
 - (e) yn amgáu copi o'r Rheolau hyn.
- (3) Ni chaiff y cyfarfod ei drefnu ar gyfer unrhyw ddyddiad cyn 42 ddiwrnod ar ôl anfon yr hysbysiad o'r gwrandawriad ac eithrio gyda chytundeb y partïon.

Y weithdrefn mewn cyfarfod adolygu

40. (1) Bydd panel yn cyfarfod yn breifat gyda chynghorydd cyfreithiol, ond ni fydd unrhyw barti yn bresennol.
- (2) Pan fo'r person cofrestredig wedi gwneud cais i'r adolygiad gael ei ystyried mewn gwrandawriad, bydd y panel yn gohirio'r cyfarfod ar ei ganol ac yn atgyfeirio'r achos i wrandawriad.
- (3) Os bydd y panel yn ystyried, ar unrhyw adeg yn ystod y cyfarfod, y dylid ymdrin â'r adolygiad mewn gwrandawriad, er cyfiawnder ac er budd y cyhoedd, atgyfeirir yr achos i wrandawriad.
- (4) Bydd y panel yn ystyried yr achos ar sail cytundeb ysgrifenedig y person cofrestredig ac unrhyw gyflwyniadau ysgrifenedig a wnaed gan y partïon.
- (5) Ac eithrio fel y darperir ym mharagraffau (1) i (3) a (5) y rheol hon, bydd y rheolau canlynol yn gymwys i gyfarfodydd adolygu, sef; rheol 3 (adolygiad cyn gwrandawriad); rheol 5 (rheoli achos); rheol 7 (gohirio'r gwrandawriad); rheol 10 (baich a safon y prawf); rheol 19 (gohirio'r gwrandawriad yn ei ganol); rheol 20 (pleidleisio); rheol 22(2) i (4) (addasrwydd i ymarfer) a rheol 29 (hybysiad o'r penderfyniad).
- (6) Bydd penderfyniad y panel a'r rhesymau dros y penderfyniad yn cael eu datgan yn gyhoeddus, naill ai ar ddiwedd y cyfarfod neu ar ddyddiad dilynol.

Llofnodwyd ar ran Gofal Cymdeithasol Cymru

Arwel Ellis Owen

17 March 2017

.....

Arwel Ellis Owen
Cadeirydd Gofal Cymdeithasol Cymru

.....

Dyddiad